



閩媛典第二百五十卷

閩節部列傳一百三十二

明一百二十七 盧淳繼室蕭氏

亢氏附

按祁陽縣志蕭氏祁陽望族女靈丘令盧淳繼室前妻生長子時聘蕭止生二女淳謁選至京納側室亢氏生二子蕭鞠之如已出萬曆末淳亡蕭獨支門戶一切鉅細無不親視手口卒瘞得教三子入辟雍亢氏宛平人淳罷靈丘時亢父母不聽歸亢曰嫡視吾如子同衾同穴死生共之安忍背也未兩載與蕭同孀越十餘年蕭沒亢秉節益堅前後歷五十年年七十六卒子君聘朝聘孫鑿咸有聲藝林蕭長女適刑部郎陳朝鼐次女適進士申翀

楊明達妻楊氏

按祁陽縣志楊氏楊明達妻年二十六夫亡誓不再適勤紡績以膳翁姑撫幼子成立長子自修起掾吏登仕版孫向高正高一通籍一爲諸生氏守節四十九年年七十五卒太守表其門

李天和妻陳氏

按祁陽縣志陳氏諸生李天和妻尙書陳公薦第四女也年十九歸李未三載和亡氏痛悼不已欲投繯以殉僕婦周氏解之復甦遂舉奩服焚之以首飾施諸尼姑素苦節撫遺腹子不育立嗣爲李後姑遭疾藥必口嘗告神求代浹歲無寧日姑竟不起氏亦尋卒

曾爾桂妻唐氏

按祁陽縣志唐氏郡諸生璇女曾爾桂妻年二十四喪夫簪蒿茹荼忍苦育孤三十六年崇禎末邑令劉明過表其苦節

申在廷妾梅氏

按祁陽縣志梅氏武昌望族女祁陽申大叅在廷側室廷少艱於嗣得子晚方分鐸汝寧之蓼邑過省會納梅隨任生一女及子翀翀後成進士女適生員陳汝震司李成聘子也天啟初廷以大參復任貴陽翀學未成賴母有絡繹之概延師取友截髮剝薦不憚劬勞壬戌黔警梅聞悲切令子赴園省視及廷櫬返而梅成疾兒數延醫勿診曰未亡人豈戀此一息尋復瘳延壽五稔亦不御甘脆惟食荇根苦苣而已

黃時中妻歐氏

周倫妻黃氏

文宣妻蔣氏

陳氏附

按祁陽縣志歐氏黃時中妻歸三載年二十二夫亡撫孤不育復鞠姪爲子以承夫祀平生積善睦族有聲閭巷年八十有二卒

按道州新志黃氏修義鄉黃文明女周倫妻年二十四夫亡子方

一歲勵志守節事姑教子歷五十餘年卒

按道州新志蔣氏文宣妻年二十四夫亡子方

二歲守之長娶陳氏文俊天無子陳年二十一與姑共守四十餘年有司旌表

何爲妻熊氏

周元直妻馮氏

女附

按道州新志熊氏宜陽鄉人生員何爲妻年二十一夫亡無嗣砥節終身

按道州新志馮氏周

元直妻年十八夫亡遺腹生女里豪欲謀娶之不從苦節事姑姑沒殮葬盡力女長適人亦早寡馮尙盛年與女共守一室紡績終身

周仕妻何氏

按道州新志何氏坦谿人吏胥周仕妻仕壯年艱子寓家省城何力勸夫置妾無何夫亡何年二十二與妾皆無出扶櫬歸葬久之窺妾志移尋嫁之獨處一室會翁沒夫弟信偉俱幼何鞠之如母次

第爲畢婚授產無少偏私姑沒自爨又抱信女育之年七十餘終

蔣義卿妻何氏

何氏女

范時孜妻鄧氏

按道州新志何氏州人蔣義卿妻卿亡僅一女十歲矢志孀居敬事九十老姑紡績以養姑沒盡出壯資殮葬貧苦自甘年七十八卒建坊旌表

按道州新志何氏名當營陽鄉何文銘女少受某

聘未嫁而某亡父欲另爲擇配當力拒不可父不忍傷其志聽以處女終身

按郴州志鄧氏范

時孜妻年二十一夫亾矢志守節課子成名事聞旌表

顏景春妻田氏

姬瓚妻鄧氏

袁子龍妻毛氏

按郴州志田氏顏景春妻夫亡氏年二十一守節事翁姑撫子翁姑沒子亦天秉節益堅

按郴

州志鄧氏郴州訓導姬瓚妻夫亾氏年二十二撫遺腹子宗舜矢不再適年八十終

按郴州志

毛氏袁子龍妻年二十七喪夫終身不衣帛不歸寧教子成立學使旌之

蕭鳴鳳妻劉氏

高天霖妻谷氏

鄧雲虬妻蕭氏

按郴州志劉氏蕭鳴鳳妻年二十一夫亾撫子韶娶李氏生子嘉會嘉謀未幾韶沒姑媳紡績守會

謀成人年八十餘卒

按郴州志谷氏諸生高天霖妻年十八夫亡無子誓不再適婦節凜然

按郴州志蕭氏鄧雲虬妻年二十五夫亡安貧守節教子成人

孔心妻凌氏

戴克官妻袁氏

張錦文妻廖氏

按郴州志凌氏州民孔心妻年十九夫亡苦節終老

按郴州志袁氏明經袁璣女適諸生戴克

官生子慶庭官亡袁年二十一韶庭方姪氏誓以死從父勸守遺腹越數月韶庭生袁紡績課讀二子俱列膠庠有司旌表

按郴州志廖氏張錦文妻年二十一夫亡守節撫二子聯翼聯星俱爲

諸生年七十九卒

朱瓏繼室趙氏

謝潮妻龍氏

曹文章妻朱氏

黃氏附

按郴州志趙氏桂陽朱瓏繼室歸五月瓏以祖英蔭入冑監亡趙守前室幼子旻成立尋又喪復撫其孫一通年七十餘卒

按郴州志龍氏興寧謝潮妻年二十九夫亡苦節課兩子有成崇禎十

年旌表

按郴州志朱氏曹文章妻年十八夫亡遺孤悅甫三歲矢志守節悅長娶黃氏未幾而

天黃亦誓不他適與姑同老

袁文璽繼室蒙氏

朱永湯妻宋氏

江燾妻雷氏

按郴州志蒙氏袁文璽繼室年二十夫沒前室子甫四歲撫之如己出常攜以歸寧父母欲其再適自是不復歸

按郴州志宋氏朱永湯妻年二十夫亡母諷再嫁不從矢志事姑姑病必親嘗湯藥目昏餽之復明人稱孝節

按桂陽州志雷氏小字英桂年十八適江燾月餘有娠而夫亡雷矢志守節既生子食貧撫育成立崇禎末有司旌之

李正誼妻謝氏

汪濤妻雷氏

按桂陽州志謝氏小字元貞適李正誼四載誼亡遺腹生子孟傑撫之生孫年七十有八卒崇禎間旌表

按桂陽州志雷氏小字音桂年十八歸汪濤未暮年濤亡遺腹三月生子游龍雷矢志靡他年六十七崇禎間卒

湯宗伊妻陳氏

按桂陽州志陳氏湯宗伊妻年十八歸湯越四年生二子伊亡氏泣血哭曰以是藐孤不得從君地下自是毀容閉戶孀居七十年崇禎間卒遺命合葬年九十有二

鄧文璽妻范氏

按桂陽縣志范氏布政范永璽女年十六適鄧文璽每以不得養其親姑爲恨事繼姑朱氏及翁甚孝翁歿文璽哀毀得病而歿子毛孫亦殤氏慟不欲生勉襄喪葬旣除服屏去容飾益勤女紅與繼姑相依爲命朱益愛重之有司旌表

辜良佑妻吳氏

朱訥妻楊氏

王文學妻萬氏

按南昌郡乘吳氏南昌辜良佑妻年及笄夫亡守節壽八十終崇禎間旌表

按南昌郡乘楊氏

禮垣楊給諫孫女少淑慧適朱方伯幼子太學生訥年二十三夫亡勵志守節崇禎四年奉詔旌表

按南昌郡乘萬氏北岡王文學妻年十八撫孤守節壽八十終

彭柏妻李氏

周期化妻章氏

按南昌郡乘李氏南昌彭柏妻年十八夫亡孝事舅姑撫二子成立里人稱之

按南昌郡乘章

氏寧州諸生周期化妻夫亡章年二十五剪髮納棺撫遺腹子希夔終老

周廷軌妻王氏

按新建縣志王氏周廷軌妻姑病篤氏刲股救之未幾廷軌病復刲股以進及亡氏年二十四子士貢方襁褓諸父利其產欲奪其志王痛哭曰恨不早從地下耳豈忍有他但亡夫遺產無幾悉以相付則藐孤衣食無出諸父慚退尋出所積婚配諸姪撫宗女數人病革士貢亦刲股愈之卒年八十
六崇禎間學使旌之

高枝妻李氏

按豐城縣志李氏高枝妻性貞淑年十八于歸事繼姑孝枝沒於京號泣幾絕不食七日姑慰之曰若死孰與撫孤氏乃強食家貧紡績自給訓子爲諸生邑火比鄰皆燬其室獨存有司上其事詔旌表

楊郡妻賴氏

李度妻熊氏

按豐城縣志賴氏楊文恪孫指揮郡妻早寡守節撫庶出三子愛而能勞及長俱獲成名邑令表其閭
按豐城縣志熊氏湖茫李度妻年十九夫亡自縊柩側姑覺救免母強諭改節矢死不從事
聞旌表

黃烜妻萬氏

按豐城縣志萬氏黃烜妻烜病革語氏曰我死惟爾志氏曰將從君地下爾踰年姑喪火煨衣不及解灼傷其膚歎曰向不死者以姑在今得死矣家人投以藥弗服而卒

蔣曰憲妻武氏

繆氏附

按豐城縣志武氏蔣曰憲妻憲早世父母舅姑以其少欲奪其志氏涕泣曰舅姑老婦去誰事遂聽之尋勸姑爲舅納妾生子曰隆未幾妾亡氏撫育幼叔長娶繆氏生子未五載而曰隆復夭武與繆堅守其孤均以壽終

丁榮妻呂氏

李廷言妻熊氏

按豐城縣志呂氏丁榮妻榮早亡氏厲志撫孤紡績不怠教子成名邑令上其事詔旌表
按豐城縣志熊氏李廷言妻年十七廷言歿氏事姑訓子茹苦終身邑令表其閭

范永祺妻李氏

孫國忠妻皮氏

按豐城縣志李氏范永祺妻祺病革氏籲天願以身代未幾而歿矢志植孤力勤紡績以壽終事聞

旌表

按豐城縣志皮氏孫國忠妻年二十八忠沒氏食貧苦節訓育遺孤直指旌其閭

諸生孫鑰妻丁氏

諸生黃可捷妻劉氏

袁允冕妻劉氏

均顯母林氏

范世達妻黃氏

按豐城縣志已上五婦俱少寡撫孤守節終老邑令旌其門

熊廷佐妻胡氏

陸永貞妻彭氏

按豐城縣志胡氏熊廷佐妻年二十夫歿苦節自勵年七十七邑令上其事直指旌之

按豐城

縣志彭氏陸永貞妻夫亡守節邑令旌之

金桂妻羅氏

按豐城縣志羅氏金桂妻桂爲掾娶氏歲餘生子星以省祭候選沒於京邸氏年二十餘挈子奔扶夫柩歸葬其地爲豪家所奪氏收桂骨附祖塋毀容飲泣訓其子星登崇禎己卯賢書令安東氏年

八十三卒

熊某妻翁氏

黃文華妻管氏

按豐城縣志已上二婦俱年二十夫亡母令改適自經幾死卒守節終身

熊明暹妻袁氏

甘爲志妻蔣氏

熊民傑妻翁氏

陳朝妻徐氏

按豐城縣志已上四婦俱夫亡守節事實無考

楊照妻孫氏

葛旭妻熊氏

蔣汝璉妻雷氏

按豐城縣志孫氏諸生楊照妻照亡撫孤成名矢志終老

按豐城縣志熊氏葛旭妻年十八歸

旭逾年夫亡孝事舅姑教子成立縣令旌其廬年躋大耋卒

按豐城縣志雷氏蔣汝璉妻璉

氏欲以死殉妾遺腹生子遂勵志撫孤直指旌其門

丁應復妻袁氏

蔣時聚妻于氏

黃烱妻萬氏

按豐城縣志袁氏丁應復妻年二十夫歿無子誓死無他年八十一邑令上其事歲給米四石青白

絹各二疋仍表其門

按豐城縣志于氏蔣時聚妻年二十夫亡苦守五十餘年撫二孤皆成立

按豐城縣志萬氏黃烱妻年十九夫歿姑憐其幼諷改適泣對曰願撫姪以延夫祀死無憾卒截髮

毀容苦節終身

周先春妻熊氏

陳欽謨妻查氏

陳以翰妻盧氏

按寧州志熊氏周先春妻歸二年春沒子甫半歲氏以辟纁訓子成立崇禎間詔旌其閭

按寧

州志查氏陳欽謨妻年二十二謨歿矢志靡他苦自撙節以葬翁姑撫子及孫成立州守旌之

按寧州志盧氏陳以翰妻年二十四翰沒無子撫二女勤織紉自給足不踰閭里人皆敬畏守節五十餘年事聞旌表

熊習善妻盧氏

楊一棠妻劉氏

按寧州志盧氏熊習善妻年三十夫亾子方襁褓盧苦節自勵慘淡經營教子蜚聲庠序壹範母儀族閭咸則州牧旌其門年八十終

按高安縣志劉氏名引貞楊一棠妻年十九夫亡苦節終老

崇禎七年詔旌其閭

藍基妻劉氏

周汝器妻胡氏

按高安縣志劉氏名層貞藍基妻年二十四夫死守節雅好讀書延師課子成立晚復黽勉課孫啟新補弟子員以壽終

按高安縣志胡氏名金貞周汝器妻年二十五夫亾力勤紡績撫二子成

立侍二姑孝養備至孀居五十餘年崇禎間旌表

毛文光妻盧氏

李氏附

按高安縣志盧氏毛文光妻年十八生子一漢僅三歲文光死親族多欺之盧哭訴光靈誓撫子以存宗祀家日貧其志益勵年七十二卒其孫紹榮年三十而歿妻李氏亦守節終身

李惟魁妻袁氏

鄒守忠妻吳氏

羅仁妻劉氏

按高安縣志袁氏名金貞城南李惟魁妻年二十五夫喪守節治家有方年八十三崇禎末年旌表
按高安縣志吳氏桂林鄒守忠妻忠死遺孤幼貧無立錫藉十指以延一息子長客死于外氏茹苦無怨里人哀之
按高安縣志劉氏名明貞羅仁妻年二十夫亡遺孤二歲亦歿劉矢志不嫁紡績終身崇禎十七年詔旌表

梁楷妻鄧氏

胡定國妻江氏

按高安縣志鄧氏梁楷妻新建進士鄧良芝姪女年十八楷客死於粵子博僅半歲氏茹荼苦守撫教成立力營旅櫬歸葬年八十卒
按高安縣志江氏名鳳貞胡定國妻年二十夫死家徒壁立

遺二子一女俱幼勤女紅自給事舅姑克盡孝養壽七十卒

徐上選妻范氏

按高安縣志范氏名細貞府掾徐上選妻孝廉徐佐之祖母年十九生子日章日省而選以矢志撫孤成立日章夫嬪相繼殞氏又撫孤孫哺食代乳艱苦備嘗年六十二終

劉心妻金氏

劉成琢妻黃氏

劉全涵妻程氏

按高安縣志金氏諸生劉心妻年二十七夫亡僅遺一女適諸生熊兆子氏終身不二事舅姑以孝稱崇禎十二年旌表 按新昌縣志黃氏劉成琢妻夫亡守節撫孤成名年六十餘卒 按新

昌縣志程氏劉全涵妻夫亡守志撫孤年七十餘卒

蔡燧妻熊氏

陳紹堯妻熊氏

李錫秀妻羅氏

按新昌縣志熊氏蔡燧妻夫亡勵節撫孤年六十卒

按新昌縣志熊氏陳紹堯妻堯亡誓死撫

孤壽七十餘卒

按新昌縣志羅氏李錫秀妻夫亡無子勵志苦節以壽終

劉天儀妻蔡氏

劉天賜妻徐氏

蔡文新繼妻劉氏

按新昌縣志蔡氏劉天儀妻夫亡守節撫子壽八十三卒

按新昌縣志徐氏劉天賜妻夫亡守

節撫子壽九十二卒

按新昌縣志劉氏蔡文新繼妻夫亡守節撫孤年七十一卒

熊靖元妻陳氏

鄔士頤妻熊氏

漆觀源妻熊氏

按新昌縣志陳氏熊靖元妻給諫泰來之女性聰慧工書畫年十四歸靖元靖元赴試死無嗣氏繪夫像晨夕對之涕泣誓不欲生年二十八而沒

按新昌縣志熊氏鄔士頤妻憲副子臣女年十

八夫亡守節撫孤及長子婦並歿氏復撫二孫壽六十餘卒

按新昌縣志熊氏漆觀源妻年二

十四夫亡教育孤子嘉祉成崇禎辛未進士疏陳母節奉詔建坊旌閭封孺人壽八十而卒

王和鼎妻劉氏

鄭元鴻妻劉氏

按新昌縣志劉氏孝廉王和鼎妻年二十八夫亡撫孤守節教子以承先志壽九十卒

按上高

縣志劉氏名潤貞鄭元鴻妻年十九夫亡遺孤方半歲甘貧撫育及娶與婦俱夭氏復撫幼孫成名年八十九卒崇禎間旌表

黃頤妻胡氏

黃元臣妻丁氏

按上高縣志胡氏名壯貞郡廩生黃頤妻年十六夫亡遺孤方三月家貧甚日夜紡績以爲教養之資後子爲邑諸生嘗舉古人嘉言懿行責令效法孀居六十餘年崇禎十四年旌表 按上高縣

志丁氏名鳳貞黃元臣妻年二十二夫亡矢志撫孤事舅姑至孝勉力延師課二子俱蜚聲黌序孀居五十載中外無間言邑令旌之年七十有二終

李汝德妻鄭氏 二婦附

按上高縣志鄭氏名貴貞李汝德妻德力學早亡氏年二十四矢志靡他勤紡績撫二孤及長娶婦各生一孫二子又相繼天二媳事姑俱孝亦矢志撫孤崇禎十三年氏年八十二卒二婦亦五十餘宗族狀其苦節旌表

晏紹疊妻趙氏

孫仲仁妻陳氏

徐德安妻陳氏

按上高縣志趙氏名回貞晏紹疊妻年二十二紹疊歿氏剪髮斷指矢志不二孀居四十年啜粥斷齏撫孤成立崇禎間詔旌其閭 按饒州府志陳氏孫仲仁妻年二十一夫亡家貧子幼誓不再

嫁奉姑備極孝養年五十八終事聞旌表

按饒州府志陳氏名夢來徐德安妻鄱陽陳士友女